

# STATUTI DHE AKTI I THEMELIMIT

## I SHOQËRISË ME PËRGJEGJËSI TË KUFIZUAR “Military Marketplace Albania” (MMA) shpk

Në përputhje me ligjin Nr.9901, datë 14.04.2008, “Për tregtarët dhe shoqëritë tregtare”

### KAPITULLI I DISPOZITA TË PËRGJITHSHME

#### Neni 1 Emërtimi

1. Emërtimi i shoqërisë është “Military Marketplace Albania” (MMA) shpk. Ky emërtim është i vetmi i saj dhe përdoret në të gjithë regjistrimet, transaksionet, marrëveshjet dhe komunikimet e saj me të tretët apo shtetin dhe ka vlefshmëri ligjore si jashtë, ashtu edhe brenda territorit të Republikës së Shqipërisë.
2. Shoqëria “Military Marketplace Albania” (MMA) shpk është shoqëri me përgjegjësi të kufizuar.
3. Në të gjitha komunikimet e saj pas emërimit të shoqërisë do të përfshihet shkurtesa: “shpk”.

#### Neni 2 Ortakët themelues

Kuotat e shoqërisë “Military Marketplace Albania” (MMA) shpk zotërohen nga ortaku i vetëm:

**Ilir Xhaferi**, i biri i Latifit dhe Mines, i dtl. 06.06.1977, shtetas shqiptar, lindur në Mursi, Bashkia Konispol, Shqipëri, madhor dhe me zotësi të plotë për të vepruar, identifikuar me dokumentin karte identiteti nr. 036821244.

Kapitali themeltar i shoqërisë është 100 lekë.

Ortaku i vetëm ka krijuar shoqërinë me përgjegjësi të kufizuar, në pronësi private, me kontributet e veta në para dhe në natyrë, me qëllim përfitimin financiar.

Me vendim të ortakut, në bazë të kriterëve ligjore në të ardhmen mund të bëhet ndryshimi i kapitalit. Çdo vendim dhe akt i bërë për ndryshimin e kapitalit duhet të depozitohet ne QKB (Qendrës Kombëtare të Biznesit).

### **Neni 3 Objekti i shoqërisë**

1. Objekti i shoqërisë në përputhje me legjislacionin aktual tregtar shqiptar do të jetë:
  - Import eksport, tregtimi i artikujve të të gjitha llojeve, me shumicë dhe pakicë si, uniforma për Policinë e Shtetit dhe Ushtrinë, pajisje ndihmëse për policinë dhe ushtrinë, sisteme alarmi, vëzhgimi, "GPS", dylbi dhe shënjestre holografike, si dhe të gjitha pajisjet ndihmëse, aparate rezistente kundër shpërthimeve, thyerjeve dhe dëmtimeve;
  - Pajisje antiplumb, pajisje elektronike të të gjitha llojeve, pranga, shkopinj gome, aparatura survejimi, si dhe çdo aksesor të nevojshëm për policinë dhe ushtrinë;
  - Import, tregtim të armëve të gjahut dhe materialeve të gjuetisë, përfshirë dhe materialet me përdorim të dyfisht;
  - Import eksport të të gjitha mallarave ushtarake, duke përfshirë municionet dhe të gjitha llojet e armatimeve;
  - Import eksport dhe tregtim të armëve, pjesëve dhe municioneve të kategorive "Bi", "B4", "C" dhe "D";
  - Poligon civil qitje i ndërtuar për qëllime sportive mësimore dhe të praktikës me shënjestër;
  - Qëndër trajnimi për aftësimin teorik dhe praktik të personave për mbajtjen e armës;
  - Transport i armëve, pjesëve të tyre, të kategorive "Bi", "B4", "C" dhe "D", si dhe çdo aktivitet tjetër ndihmës për të mbushur dhe realizuar objektin e shoqërisë;
  - Kërkim shkencor, si dhe zhvillimi i inovacionit teknologjik dhe ushtarak.
2. Përshkrimi i objektit të shoqërisë ka natyrë treguese dhe jo kufizuese. Për realizimin e qëllimit të saj shoqëria mund të bashkëpunojë me çdo person fizik apo juridik, në çdo mënyrë që e gjykon të dobishme, në respektim të parimeve të së drejtës, ligjeve ndërkombëtare, ligjeve të shtetit shqiptar, të gjitha akteve nënligjore si dhe të përcaktimeve në këtë Statut.
3. Shoqëria në çdo kohë mund të ripërcaktojë objektin e saj, ta shtojë apo pakësojë atë, me vendim të Asamblesë së Aksionarëve të saj.

### **Neni 4 Selia e shoqërisë dhe degët**

1. Selia e shoqërisë ndodhet në Rruga "5 Maji", Qendra Tregtare "Emerald", Tiranë.
2. Shoqëria ka të drejtë të operojë me degë apo zyra përfaqësimi, në të gjithë territorin e Shqipërisë apo edhe jashtë tij.
3. Degët apo zyrat e përfaqësimit krijohen me vendim të asamblesë së aksionarëve të shoqërisë, e cili organizon punën, përcakton mënyrën e funksionimit dhe emëron organet drejtuese dhe përfaqësuesit e tyre ligjor.

**Neni 5**  
**Kohëzgjatja e shoqërisë**

1. Kohëzgjatja e shoqërisë "Military Marketplace Albania" (MMA) shpk është 50 vjet dhe fillon në momentin e regjistrimit të Statutit të ri të shoqërisë pranë Qendrës Kombëtare të Biznesit.
2. Ky afat mund të zgjatet apo shkurtohet në çdo kohë me vendim të Asamblesë së Ortakëve, me të njëjtin kuorum që përcakton ligji tregtar për ndryshimin e statutit.

**Neni 6**  
**Detyrimet e Ortakëve të Shoqërisë**

1. Kapitali i shoqërisë është shlyer plotësisht nga Ortaku i vetëm i shoqërisë.
2. Në çdo moment me vullnetin e ortakut të vetëm, shoqërisë mund t'i bashkohen ortakë të tjerë, në përputhje me dispozitat ligjore dhe sipas kushteve të përcaktuara në kontratën e lidhur midis palëve.
3. Ortakët japin kontributin e tyre në shoqëri në para apo në natyrë.
4. Kur detyrimi është në natyrë duhet të shoqërohet me aktin e vlerësimit përkatës të ekspertit dhe të pranohet me vendim të Asamblesë së ortakëve.
5. Ata përgjigjen ndaj shoqërisë personalisht dhe në mënyrë solidare për dëmet e shkaktuara nga mospërbushja e këtyre detyrimeve apo nga përbushja e tyre përtej afateve përkatëse.
6. Ortakët mbajnë përgjegjësi për humbjet e shoqërisë kundrejt të tretëve deri në vlerën e kontributit të tyre në kapitalin themeltar të shoqërisë.
7. Pasuritë e krijuara nga Shoqëria gjatë aktivitetit të saj janë në pronësi të Ortakëve. Ato (pasuritë) mund të tjetërsohen, të jepen me qira, të lihen peng e hipotekë vetëm me vendim të Asamblesë së Ortakëve.

**Neni 7**  
**Organet drejtuese të shoqërisë**

Organet drejtuese të shoqërisë janë:

1. Asambleja e përgjithshme e ortakëve;
2. Administratori.

**Neni 8**  
**Asambleja e përgjithshme**

1. Asambleja e Përgjithshme përbëhet nga të gjithë ortakët e shoqërisë dhe merr vendime për:
  - a. Përcaktimin e politikave tregtare të shoqërisë;
  - b. Ndryshimet e statutit;
  - c. Emërimin e shkarkimin e administratorëve, likuiduesve dhe të ekspertëve kontabël të autorizuar;

- d. Përcaktimin e shpërblimeve për administratoret, likuiduesit dhe ekspertët kontabël të Autorizuar;
  - e. Miratimin e pasqyrave financiare vjetore dhe të raporteve të ecurisë së veprimtarisë;
  - f. Zmadhimin dhe zvogëlimin e kapitalit;
  - g. Pjestimin e kuotave dhe anulimin e tyre;
  - h. Riorganizimin dhe prishjen e shoqërisë;
  - i. Çështje të tjera të parashikuara nga ligji apo Statuti.
2. Asambleja e shoqërisë "Military Marketplace Albania" (MMA) shpk në momentin e themelimit të saj, përbëhet nga ortaku i vetëm i saj Z. Ilir Xhaferi.

### Neni 9

#### Mbledhja e Asamblesë së përgjithshme

1. Mbledhja e asamblesë së përgjithshme thirret të paktën një herë në vit.
2. Asambleja e përgjithshme mbledhet sa herë që është e nevojshme për të mbrojtur interesat e shoqërisë. Asambleja e përgjithshme thirret nga administratori, nga secili prej ortakëve ose nga likuidatori.
3. Mbledhja quhet e vlefshme nëse në të janë të pranishëm ortakët që zotërojnë të paktën 51% të kuotave të kapitalit të regjistruar të shoqërisë.
4. Asambleja e përgjithshme thirret nëpërmjet një njoftimi me shkresë ose nëpërmjet postës elektronike. Njoftimi me shkresë apo me mesazh elektronik duhet të përmbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 ditë përpara datës së parashikuar për mbledhjen e asamblesë.
5. Kur asambleja e përgjithshme nuk është thirrur duke respektuar procedurën e përcaktuar më sipër, ajo mund të marrë vendime të vlefshme vetëm nëse të gjithë ortakët janë të pranishëm.

### Neni 10

#### Përfaqësimi në Asamble

1. Ortaku mund të përfaqësohet në asamblenë e përgjithshme, në bazë të një akti përfaqësimi të lëshuar në favor të një personi të tretë. Autorizimi është i vlefshëm vetëm për një mbledhje të asamblesë së përgjithshme, e cila përfshin edhe mbledhjet vijuese me të njëjtin rend dite.
2. Në rast se shoqëria do të ketë më shumë se një ortak, secili prej tyre ka të drejtën që të përfaqësojë ortakët e tjerë në mbledhjen e asamblesë, me anë të një akti të rregullt përfaqësimi.
3. Administratori, edhe nëse është ortak i shoqërisë, nuk mund të përfaqësojë ortakët e tjerë në mbledhjen e asamblesë së përgjithshme.

### Neni 11

#### Marrja e vendimeve

1. Çdo kuotë jep të drejtën e një vote. Në momentin e themelimit kuotat e shoqërisë zotërohen në mënyrë të plotë nga ortaku i vetëm Z. Ilir Xhaferi.
1. Ortakët që nuk janë të pranishëm mund të marrin pjesë në mbledhjen e asamblesë së përgjithshme me mjete të ndryshme komunikimi, përfshirë mjetet elektronike, videokonferencë, etj., me kusht që të garantohet identifikimi i ortakëve.

2. Asambleja e përgjithshme vendos me  $\frac{3}{4}$  e votave të ortakëve pjesëmarrës në mbledhje, vendimet që kanë lidhje me: ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë.
3. Vendimet e tjera merren me shumicën e thjeshtë të ortakëve pjesëmarrës në mbledhjen e asamblesë së shoqërisë "Military Marketplace Albania" (MMA) shpk.

## Neni 12

### Të drejtat dhe detyrimet e Administratorit

1. Administratori ka të drejtë dhe detyrohet për sa më poshtë:
  - a) Kryejë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme;
  - b) Të përfaqësojë shoqërinë tregtare në çdo rrethanë përpara të tretëve qofshin këta autoritete shtetërore, persona juridik, vendas apo të huaj, persona fizik vendas apo të huaj, institucione financiare vendase apo të huaja;
  - c) Të kujdeset për mbajtjen e saktë e të rregullt të dokumenteve dhe të librave kontabël të shoqërisë;
  - d) Të përgatisë dhe nënshkruajë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, t'i paraqesë këto dokumente përpara asamblesë së përgjithshme për miratim;
  - e) Të kryejë regjistrimet dhe të dërgojë të dhënat e detyrueshme të shoqërisë, siç parashikohet në ligjin për Qendrën Kombëtare të Biznesit;
  - f) Të nënshkruajë në emër të shoqërisë çdo akt me pasoja juridike që krijon detyrime të njëanshme, të dyanshme apo transferon të drejta dhe detyrime të tretët në emër të shoqërisë;
  - g) Të veprojë në cilësinë e punëdhënësit me të gjithë të drejtat që i njej legjislacioni i punës;
  - h) Çdo të drejtë që i njej legjislacioni tregtar dhe nuk i ndalohe nga ky statut.
2. Shpërblimi e administratorit përcaktohet me vendim të asamblesë së përgjithshme.
3. Mandati i administratorit të shoqërisë është 5 vjet, me të drejtë rizgjedhjeje pa limit.

## Neni 13

### Detyrimi i besnikërisë dhe përgjegjësia

1. Përveç sa parashikohet ne ligj, administratori detyrohet:
  - a) të kryejë detyrat e përcaktuara në ligj ose në statut në mirëbesim e në interesin më të mirë të shoqërisë në tërësi, duke i kushtuar vëmendje të veçantë ndikimit të veprimtarisë së shoqërisë në mjedis;
  - b) të ushtrojë kompetencat që i njihen në ligj ose në statut vetëm për arritjen e qëllimeve të përcaktuara në këto dispozita;
  - c) të vlerësojë me përgjegjësi çështjet, për të cilat merret vendim;
  - d) të parandalojë dhe mënjanojë rastet e konfliktit, prezent apo të mundshëm, të interesave personalë me ata të shoqërisë;
  - e) të ushtrojë detyrat e tij me profesionalizmin dhe kujdesin e nevojshëm.
2. Administratori, gjatë kryerjes së detyrave të tij përgjigjet ndaj shoqërisë për çdo veprim ose mosveprim në kundërshtim me detyrat dhe për shkeljen e standarteve profesionale, dhe

kur veprimet apo mosveprimet e tij sjellin pasoja, është i detyruar t'i dëmshpërblejë shoqërisë dëmet, që rrjedhin nga kryerja e shkeljes.

#### **Neni 14**

##### **Mënyrat e kalimit të kuotave të kapitalit**

1. Kuotat e kapitalit të shoqërisë “Military Marketplace Albania” (MMA) shpk, e të drejtat që rrjedhin prej tyre mund të fitohen apo kalohen nëpërmjet:
  - a) shitblerjes;
  - b) trashëgimisë;
  - c) dhurimit;
  - ç) çdo mënyre tjetër të parashikuar me ligj.
2. Në rastin e kalimit të kuotave me kontratë, kontrata duhet të bëhet me shkrim.
3. Ortakët gëzojnë të drejtën e parablerjes së kuotave kundrejt një njoftimi të konfirmuar me shkrim. Ortaku blerës i mundshëm detyrohet që të japë përgjigje brenda një afati dy mujor. Me kalimin e këtij afati shitësi i kuotave është i lirë të veprojë duke ua shitur pjesërisht apo tërësisht kuotat personave të tretë.
4. Kuotat mund të pjesëtohen për shkak të transferimit të tyre.

#### **Neni 15**

Viti financiar i shoqërisë fillon në 1 janar e përfundon në 31 dhjetor. Përbërësimisht viti i parë financiar fillon nga data e regjistrimit të shoqërisë të Qendrës Kombëtare të Regjistrimit dhe mbyllet në 31 dhjetor.

#### **Neni 16**

##### **Administratori i parë**

Administratori i parë i shoqërisë “Military Marketplace Albania” (MMA) shpk do të jetë **Z. Ilir Xhaferi**, i biri i Latifit dhe Mines, i dtl. 06.06.1977, lindur në Mursi, Bashkia Konispol, banues në Tiranë, madhor dhe me zotësi të plotë për të vepruar.

Z. Ilir Xhaferi do të jetë në detyrë për një mandat 5 vjeçar me të drejtë rizgjedhjeje.

#### **Neni 17**

##### **Regjistrimi i shoqërisë në QKB**

1. Administratori i shoqërisë tregtare ngarkohet të kryejë personalisht ose nëpërmjet një personi të autorizuar, të gjitha veprimet e nevojshme për regjistrimin e shoqërisë “Military Marketplace Albania” (MMA) shpk, në regjistrin tregtar të “Qendrës Kombëtare të Biznesit”.
2. Ky Statut dhe akt themelimi, si dhe dokumentat e tjera do të depozitohen pranë regjistrin tregtar të “Qendrës Kombëtare të Biznesit”.
3. Kopja e statutit dhe aktit të themelimit do të ruhen në selinë e shoqërisë “Military Marketplace Albania” (MMA) shpk.

**Neni 18****Dispozita përfundimtare**

1. Gjithçka nuk është parashikuar shprehimisht në këtë Statut do të disiplinohet nga legjislacioni tregtar, dispozitat e Kodit Civil, ato të sistemit fiskal, të sigurimeve shoqërore, të inspektoriatit shtetëror të punës, të Kodit të Punës, si dhe ligje të tjera në fuqi në Republikën e Shqipërisë, që lidhen me veprimtarinë e shoqërive tregtare.
2. Ky Statut miratohet në mënyrë unanime nga ortakët dhe hyn në fuqi pas depozitimit dhe rregjistrimit në regjistrin tregtar pranë Qendrës Kombëtare të Biznesit.
3. Statuti përpilohet në 4 (katër) kopje të barazvlefshme në gjuhën shqipe dhe italiane. Nëse midis versionit shqip dhe atij italisht të Statutit ka mospërputhje, do të ketë përparësi versionin në gjuhën italiane.

**O R T A K U**

**Themelues i Shoqërisë "Military Marketplace Albania" (MMA) shpk**

**Z. Ilir XHAFFERI**

ILIR XHAFFERI

